

Ўзбекистон Республикаси Ҳавфли геологик жараёнларни кузатиш Давлат хизмати Ички назорат тузилмаси ходимининг лавозим ЙЎРИҚНОМАСИ

1. УМУМИЙ ҚОИДАЛАР

1.1. Ички назорат тузилмаси маъсул ходими (кейинги ўринларда - Назорат тузилмаси маъсул ходими) тўғридан-тўғри Ўзбекистон Республикаси Ҳавфли геологик жараёнларни кузатиш Давлат хизмати (кейинги ўринларда-Кузатиш хизмати) бошлиғига бўйсунди.

1.2. Ички назорат тузилмаси маъсул ходими Коррупцияга қарши кураш Агентлиги билан танлов асосида Кузатиш хизмати бошлиғи буйруғи билан ишга қабул қилинади ва умумий тартибда озод этилади.

2. МАЛАКА ТАЛАБЛАРИ ВА КЕРАКЛИ БИЛИМ ДАРАЖАСИ

2.1. Лавозимга тайинланади:

Тузилмага маъсул шахс лавозимига олий маълумотли, тармоқда камида 5 йил иш тажрибасига эга бўлган шахс тайинланади.

2.2. Тузилма маъсул ходими билиши керак:

- Коррупцияга қарши курашиш бўйича Низом, Услубиёт, Йўриқнома ва Регламентлар ҳужжатлар;

- ишлаб чиқариш-хўжалик ва молиявий-иқтисодий фаолиятни тартибга солувчи Қонунчилик ва меъёрий-ҳуқуқий ҳужжатлар;

- харидларни амалга ошириш бўйича Қонунчилик ва меъёрий-ҳуқуқий ҳужжатлар;

- ходимлар билан ишлаш бўйича Қонунчилик, Меҳнат Кодекси ва шулар асосида меъёрий ҳужжатлар билан ишлаш;

- статистика ҳисобини ташкил этиш, режа-ҳисоб ҳужжатлари, ҳисоботларни тузиш муддатлари ва тартиби;

- Кузатиш хизмати ва унинг таркибий бўлинмаларида Коррупцияга қарши кураш хизматини шакллантириш бўлимининг фаолияти, кўрсаткичларини таҳлил қилиш усуллари;

- товар маҳсулотлари таннархини аниқлаш, моддий ва меҳнат харажатлари, улгуржи ва чакана нархлар нормативларини ишлаб чиқиш тартиби;

- янги техника ва технологияларни жорий этишнинг иқтисодий самарадорлигини, маҳсулотлар рақобатбардошлигини ошириш, меҳнат ва бошқарувни ташкил этишни такомиллаштириш чора-тадбирларини аниқлаш усуллари;

- Кузатиш хизмати жамоа шартномаси;

- Ўзбекистон Республикаси меҳнат қонунчилигининг асосий қоидалари;

3. ЛАВОЗИМНИНГ АСОСИЙ ВАЗИФАЛАРИ:

Ички назорат тузилмаси маъсул ходимига ўзига юклатилган вазифаларга мувофиқ қуйидаги функцияларни амалга оширади;

3.1. Кузатиш хизматининг Коррупцияга қарши курашиш бўйича фаолиятини такомиллаштириш соҳасида:

- Кузатиш хизмати тизимида Коррупцияга қарши курашиш бўйича чора-тадбирларни амалга оширишга қаратилган ички идоравий ҳужжатлар лойиҳаларини ишлаб чиқади;

- Кузатиш хизматининг Коррупцияга қарши курашиш бўйича чора-тадбирларини ишлаб чиқади ва тасдиқлаш учун Қўмита бошқарув раисига киритади;

- Кузатиш хизматининг фаолиятига оид норматив-ҳуқуқий ҳужжатлар ва ички идоравий ҳужжатларда аниқланган Коррупциявий нормаларни бартараф қилиш бўйича таклифларни ишлаб чиқади;

3.2. Кузатиш хизмати томонидан ишлаб чиқиладиган Коррупцияга қарши курашиш бўйича чора-тадбирлар лойиҳаларини Кузатиш хизмати тизимида Коррупцияга қарши курашиш сиёсатига мослиги, мақбуллиги ва долзарблиги нуқтаи назардан баҳолайди ва хулосалар беради;

3.3. Кузатиш хизмати томонидан ишлаб чиқиладиган Коррупцияга қарши курашиш фаолиятини янада самарали ташкил этиш ва такомиллаштиришга қаратилган аниқ таклифларни киритиб боради.

б) Кузатиш хизматида Коррупцияга оид ҳуқуқбузарликларни профлактика қилиш ва уларга қарши курашиш соҳаси:

- Кузатиш хизматида Коррупциявий хавф-хатарларни баҳолайди, уларнинг натижалари бўйича аниқланган хавф-хатарларни камайтириш юзасидан чора-тадбирлар режаларини ишлаб чиқади ва Кузатиш хизматида Коррупциявий хавф-хатари юқори бўлган лавозимлар рўйхатини яратади;

- Кузатиш хизмати томонидан ўхшаш ҳуқуқбузарликлар содир этилиши эҳтимолини баҳолаш мақсадида давлат ҳокимиятининг бошқа органларида Коррупциявий ҳуқуқбузарликлар содир этилишининг ҳолати ва йўналишлари ҳақида маълумот тўплайди;

- махсус алоқа каналлари орқал Кузатиш хизмати ходимлари томонидан Коррупциявий хавф-хатарлар ва ҳуқуқбузарликақида келиб тушадиган мурожаатларни таҳлил қилади ва уларни белгиланган тартибда кўриб чиқилишини таъминлайди;

- Кузатиш хизматида юритиладиган хизмат текширувлари реестири ёки ўтказилган хизмат текширувларини рўйхатга оладиган бошқа тегишли ҳужжатда Коррупция фактларига доир хизмат текширувлари бўйича маълумотларнинг тўғри ёки тўлиқ акс эттириб борилишини назорат қилади;

- давлат харидларини амалга оширишда манфаатлар тўқнашувини таҳлил қилишда ва Кузатиш хизмати билан шартномавий муносабатларга (меҳнат муносабатлари бундан мустасно) киришган ҳар қандай юридик ёки жисмоний шахсларнинг ишончлилигини текшириш жараёнида иштирок этади;

- Кузатиш хизмати ходимларига Коррупцияга қарши курашиш масалалари бўйича тушинтириш ва тавсиялар беради;

- Коррупция фактлари ҳақида хабар беришга мўлжалланган махсус ахборот алоқа каналларининг фаолият натижаларини таҳлил қилади ва таҳлилий материалларни Кузатиш хизмати ходимларига етказиши;

- Кузатиш хизмати фаолиятидаги Коррупциявий ҳолатларни ва хавф-хатарларни аниқлаш мақсадида аҳоли ва ходимлар орасида сўровлар ўтказиши;

- Коррупцияга қарши курашишга оид талаб ва нормаларнинг бузилиши масалалари бўйича интизомий жавобгарликка тортилаётган шахсларга жазо чораларининг мутаносиблиги ва етарлилигини назорат қилади;

- Коррупцияга қарши курашиш тизимини янада такомиллаштириш мақсадида Кузатиш хизматида Коррупция фактлари юзасидан ўтказилган хизмат текширувлари натижалари ҳақидаги маълумотларни таҳлил қилади;

- ҳар чоракда ва Кузатиш хизмати бошлиғи талабига кўра Кузатиш хизматида Коррупцияга қарши курашиш бўйича амалга оширилган ишлар ҳамда улардаги Коррупциявий ҳолат ҳақида биринчи раҳбарга маълумот киритиб боради;

3.4. Кузатиш хизматида Коррупцияга қарши курашиш тизimini самарали ишлашини таъминлаш ва назорат қилиш соҳасида:

- Коррупцияга қарши курашиш бўйича давлат дастурларида Кузатиш хизматига юклатилган вазифалар ижросини мониторинг қилади ва назоратини амалга оширади;

- Кузатиш хизмати тизимида Коррупцияга қарши курашиш тизимининг ИСО37001:2016 Коррупцияга қарши халқаро стандарти талабларига мослигини таъминлайди;

- Кузатиш хизмати ходимларининг малакасини ошириш бўйича ўқув режаларининг Коррупцияга қарши нормаларга оид қисмини ишлаб чиқишда иштирок этади;

- Кузатиш хизмати ходимлари, шу жумладан Коррупциявий хавф-хатари юқори бўлган лавозимлардаги ходимлар учун Коррупцияни олдини олиш бўйича ўқув материалларини ишлаб чиқади;

- ўқув режага мувофиқ Кузатиш хизматининг барча ходимлари учун Коррупцияга қарши курашиш бўйича тренингларнинг ўтказилиши ҳамда уларда ходимларнинг иштирок этишини назорат қилади;

- Кузатиш хизмати ходимлари ва фуқаролар ўртасида Коррупцияга қарши курашиш бўйича тарғибот тадбирларида иштирок этади;

- Кузатиш хизматининг расмий веб-сайтидаги “Коррупцияга қарши курашиш” бўлими ҳамда ижтимоий тармоқларидаги саҳифаларига жойлаштирилган маълумотларни янгилаб борилишини таъминлайди;

- Кузатиш хизмати ходимлари томонидан Коррупцияга қарши курашиш соҳасидаги Ўзбекистон Республикаси қонунчилигига ва Кузатиш хизматининг Коррупцияни олдини олиш ва унга қарши курашиш бўйича ички ҳужжатларига риоя қилинишини мониторинг ва назорат қилади;

- Кузатиш хизматидаги Коррупциявий хатти-ҳаракатлар бўйича хизмат текширувларини ўтказиш ташаббусини илгари суради ва унга иштирок этади;

- одоб-ахлоқ комиссиялари томонидан манфаатлар тўқнашувини тартибга олиш бўйича қабул қилинган қарорларнинг ҳолислиги ва мақуллигини текширади;

- амалга оширилган мониторинг, хизмат текширувлари ва назорат тадбирлари натижалари бўйича Коррупцияга қарши курашиш тизimini такомиллаштириш юзасидан тавсиялар ишлаб чиқади;

- Кузатиш хизматидаги Коррупцияга қарши курашишга маъсул тузулма(шахс)лар билан ҳамкорликда Коррупцияга қарши курашиш бўйича ишларни ташкил этиш ва ходимларнинг ҳуқуқий саводхонлигини оширишга қаратилган конференциялар, учрашувлар, семинарлар, танловлар ва бошқа тадбирларни ташкил этиш;

- Кузатиш хизмати фаолияти унинг Коррупцияга қарши курашиш бўйича ички ҳужжатларига ҳамда халқаро стандартларга мувофиқлиги юзасидан текширувлар ўтказиш.

3.5. Коррупцияга қарши курашиш бўйича фаолиятни амалга оширувчи ҳамда унда иштирок этувчи бошқа давлат органлари ва ташкилотлари билан ҳамкорликни олиб бориш:

- аҳолининг ҳуқуқий онги ва ҳуқуқий маданиятини юксалтиришга, қўмидада Коррупцияга нисбатан муросасиз муносабатни шакллантиришга доир чора-тадбирларнинг ишлаб чиқишида иштирок этади;

- қонунчилик ҳужжатлари билан Кузатиш хизмати зиммасига юклатилган Коррупцияга қарши курашиш бўйича вазифаларга мувофиқ хорижий давлатларнинг ваколатли органларига зарур ахборотни тақдим этиш тўғрисида сўровлар юборади ва уларнинг сўровларига жавоб беришда иштирок этади;

- Коррупциявий хатти-ҳаракатларни бартараф қилиш ёки Коррупциявий жиноятларни тергов қилиш бўйича тадбирларни амалга оширишда ҳуқуқини муҳофаза қилувчи органлар билан ҳамкорлик қилади.

Ички назорат тузилмаси маъсул ходими қонунчилик ҳужжатларига мувофиқ бошқа функцияларни ҳам амалга оширади.

4-боб. ИЧКИ НАЗОРАТ ТУЗИЛМАСИ МАЪСУЛ ҲОДИМИНИНГ ҲУҚУҚ ВА МАЖБУРИЯТЛАРИ

4.1. Ички назорат тузилмаси маъсул ходимининг ўз зиммасига юклатилган вазифалар ва функцияларни бажариш учун қуйидаги ҳуқуқларга эга:

- ўзи фаолият юритаётган Кузатиш хизмати ходимларидан уларнинг ваколатига кирувчи масалалар юзасидан таҳлилий материалларни, хулосаларни, статистик ва бошқа маълумотларни олиш;
- хизмат мажбуриятларини бажариш доирасида Кузатиш хизмати ходимларидан зарур ёрдам сўраш ва олиш;
- Кузатиш хизмати ходимлари фаолиятида аниқланган Коррупциявий ҳуқуқбузарликлар юзасидан хизмат текширувларини ўтказиш;
- Кузатиш хизмати бошлиғига Коррупцияга қарши курашиш тизимини такомиллаштириш бўйича таклифлар киритиш;
- ўз фаолияти доирасида Кузатиш хизматига ёзма кўрсатмалар, топшириқ хатлари ва тавсиялар бериш;
- Кузатиш хизматининг Коррупцияга оид мажлисларида иштирок этиш;
- текширув ўтказиш, ҳужжатларни талаб қилиш, ходимлардан ёзма тушинтиришлар олиш;
- Ички назорат тузилмаси қонунчилик ҳужжатларига мувофиқ бошқа ҳуқуқларга ҳам эга бўлиши мумкин.

4.2. Ички назорат тузилмаси маъсул ходими ўз зиммасига юклатилган вазифалар ва функцияларни бажариш учун қуйидаги мажбуриятларга эга:

- ушбу Низом ва бошқа қонунчилик ҳужжатлари билан юклатилган функцияларни зарур даражада ва самарали бажариш;
- қонунчилик ҳужжатлари талабларига қайий риоя қилиш ва ўз ваколат доирасидан четга чиқмаслик;
- Кузатиш хизматида жиноят аломатлари, хусусан Коррупция ҳолатлари аниқланганлиги тўғрисида зудлик билан тўғридан-тўғри юқори турувчи орган, ва бошқа ҳуқуқни муҳофаза қилувчи органларга хабар бериш;
- Кузатиш хизматининг Коррупцияга қарши курашиш сиёсати, одоб-ахлоқ қоидаларининг Коррупцияга оид қисмининг бузилганлиги факти юзасидан Кузатиш хизмати бошлиғига маълумотнома киритиш;
- ҳар чоракда, кейинги чорак биринчи ойининг биринчи ўн кунлигида Коррупцияга қарши курашиш борасида амалга оширилган ишлар ва чора-тадбирлар тўғрисида чораклик ҳисоботлар Қўмита бошқарув раисига ва Коррупцияга қарши курашиш Агентлигига тақдим этиш;

5-боб. Жавобгарлик

5.1. Ички назорат тузилмаси маъсул ходими шахсий жавобгар ҳисобланади:

- унга юкланган вазифаларни лозим даража бажармаганлиги учун;
- берилган ҳуқуқлардан нотўғри ва тўлиқ фойдаланмаганлиги учун;
- ваколатига киритилган масалалар бўйича ўз вақтида қарор қабул қилинмаганлиги учун.
- юқори органлар ва раҳбариятининг буйруқлари, кўрсатмаларини бажарилмагани учун;

5.2. Шахсий ва бўлим ходимларнинг тартиб қоидаларига риоя қилмаслик ва қуйидагилар устидан назорат:

- ички меҳнат тартиби қоидалари;

- Кузатиш хизмати томонидан ишониб топширилган мол-мулкнинг сақланишини таъминлаш.

- меҳнат муҳофазаси ва хавфсизлик, саноат хавфсизлиги, атроф-муҳитни муҳофаза қилиш, ишлаб чиқариш санитарияси, ёнғин ва фуқаро муҳофазаси, фақулудда вазиятлардан ҳимоя қилиш бўйича қонун ҳужжатлари, қоидалар ва нормалар талаблари;

- махфийлик ва ахборот хавфсизлиги режимининг талаблари, давлат сирларини, тижорат ва бошқа турдаги сирларни ташкил этувчи маълумотларнинг сақланиши, жисмоний шахсларнинг шахсий маълумотлари ва чекланган тарқатиш тўғрисидаги маълумотлар, шунингдек бундай маълумотларни ўз ичига олган ҳужжатлар ва ахборот ташувчилар билан ишлашнинг белгиланган тартиби, шу жумладан ахборотни қайта ишлаш техник воситалари.